



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2018 йил 13 октябрь, № 213 (7171)

Шанба

Сайтимизга ўтиш учун QR-кодни
телефонингиз орқали сканер қилинг.



БАРЧА СОҲАЛАР ҚАТОРИ ҚИШЛОҚ ХЎЖАЛИГИДАГИ ИСЛОҲОТЛАР ҲАМ ХАЛҚИМИЗ МАНФААТИГА ХИЗМАТ ҚИЛАДИ

Президентимиз Шавкат Мирзиёев 12 октябрь куни қишлоқ хўжалигида амалга оширилаётган ислоҳотлар, жумладан, пахта йиғим-теримининг бориши билан танишиш мақсадида Тошкент вилоятининг Бўка туманидаги «Валихон ота» фермер хўжалигига ташриф буюрди.



Жорий йилда об-ҳавонинг ноқулай келиши деҳқонларимизга бир қатор қийинчиликлар туғдирди. Айниқса, баҳор фаслида ёғингарчилик кам бўлгани сабабли чигит экишда кечикишлар кузатилди.

Деҳқонларнинг моддий манфаатдорлигини ошириш, ғўза парваришидаги қолоқликни бартараф этиш мақсадида давлатимиз томонидан фермерларга барча зарур шароитлар яратиб, қўшимча агротехник тадбирлар ўтказиш учун моддий-техникавий ресурслар зарур миқдорда ҳамда ўз вақтида етказиб берилди.

Тошкент вилоятида бу йил 75 минг 800 гектар

майдонда ғўза парваришланиб, айна пайтда етиштирилган ҳосилни нестобуд қилмай йиғиштириб олишга алоҳида эътибор қаратилмоқда.

Фермерларнинг ҳар томонлама қўллаб-қувватлангани ғўза парваришида агротехник тадбирларни ўз вақтида амалга ошириш ва мўл ҳосил етиштириш имконини берди.

Жумладан, вилоятда фаолият кўрсатаётган лабораториялар томонидан етарли миқдорда биомасулотлар тайёрланиб, фермер хўжаликларига етказиб берилди. Қўсак курти ҳамда ўргимчакка на каби зараркундалар

ва турли касалликларга қарши кимёвий усулда курашиш илмий-амалий ёндашув асосида олиб борилди.

Туманларда ташкил қилинган механизаторлар уйларида дала меҳнаткашлари учун қулай иш ҳамда дам олиш шароити яратилгани ғўза парваришида ганимат кунлардан унумли фойдаланишда муҳим аҳамият касб этди.

Президентимиз вилоятнинг бир гуруҳ илғор фермер хўжаликлари раҳбарлари, қишлоқ хўжалиги соҳаси мутасаддилари билан мулоқотда бўлди.

Жорий йилда Бўка тумани пахтакорлари 13 минг гектарга яқин

майдонда ғўза парвариш қилди. Маҳаллий иқлимга мос, серҳосил ғўза баравж ривожланиб, қийғос очилган.

Учрашувда пахта йиғим-терими ишларининг бориши, такрорий экин экиш ҳолати, вилоят иқтисодий янада ривожлантириш, хорижий давлатлар билан ҳамкорлик масалалари муҳокама этилди.

— Бу йилги қурғоқчилик деҳқонларимиз учун ҳақиқий синов бўлди, — деди Президентимиз. — Биз ҳосилни етиштириш учун уларга зарур шароитлар яратиб бердик.

Пахта ҳосилини йиғиб-тери олишда нарх икки ба-

рбар оширилди. Жумладан, Тошкент вилоятида бир килограмм пахта учун 1000 сўмдан зиёд пул тўланмоқда.

Давлатимиз раҳбари барча соҳа қатори қишлоқ хўжалигида ҳам асосий мақсад халқимиз манфаати эканини, қайси маҳсулот кўпроқ даромад келтирса, ўша экин экилиши зарурлигини таъкидлади.

— Манфаатдорлик бўлиши учун қилинган харажатни қоплаб, фойда кўриш керак. Эртанги кунни бугунидан яхши бўлиши учун ҳар бир одам ўзи ҳаракат қилиши ло-

зим. Бугун ким ютади — интилган ютади, меҳнат қилган ютади, — деди Шавкат Мирзиёев.

“Валихон ота” фермер хўжалигининг 72,6 гектар ер майдони мавжуд бўлиб, 26 киши меҳнат қилади. Жорий йилда хўжалик ғалладан 222 миллион сўм даромад олди. 35,6 гектар майдонга экилган пахтадан 300 миллион сўмдан зиёд даромад кўришни режалаштирмоқда.

Фермер хўжалигида иккиламчи экин экиш ишларига ҳам алоҳида эътибор қаратилмоқда. Жумладан, ғалладан бўшаган майдонга картошка, сабзавот, дуккакли ва озқабоп экинлар экилган. Бу 100 миллион сўмдан ортиқ даромад олиш имконини беради.

Давлатимиз раҳбари фермер хўжалиги даласида синовдан ўтказилаётган замонвий пахта териш машинаси билан танишди. Ушбу машина пахтани тоза териши, иш унумдорлиги юқорилиги билан ажралиб туради. Кам харажат талаб қилади.

Президентимиз мулоқот сўнгига соҳага инновацион технологияларни кенгроқ жалб этиш, ҳосилни ёғин-сочинли кунларга қолдирмасдан йиғиштириб олиш лозимлигини қайд этди.

Учрашувда фермерлар бундай очиқ мулоқотлар уларга куч-қувват бериб, ғайрат-шижоатини оширишини таъкидлади.

Зиёдулла ЖОНИБЕКОВ,
ЎЗА мухбири.

Ўзбекистон Республикаси Президенти
Матбуот хизмати сурати.

ЎЗБЕКИСТОН РЕСПУБЛИКАСИ ПРЕЗИДЕНТИ МДҲГА АЪЗО МАМЛАКАТЛАР МУДОФАА ИДОРАЛАРИ РАҲБАРЛАРИ БИЛАН УЧРАШДИ

Ўзбекистон Республикаси Президенти Шавкат Мирзиёев 12 октябрь куни Мустақил Давлатлар Ҳамдўстлиги Мудофаа вазирлари кенгашининг навбатдаги мажлисида иштирок этиш учун мамлакатимизга ташриф буюрган МДҲга аъзо давлатлар мудофаа идоралари раҳбарларини қабул қилди.

Учрашувда Озарбайжон мудофаа вазири З. Гасанов, Арманистон мудофаа вазири Д. Тоноян, Беларусь мудофаа вазири А. Равков, Қозоғистон мудофаа вазири Н. Ермекаев, Россия мудофаа вазири С. Шойгу, Тожикистон мудофаа вазири Ш. Мирзо, Қирғизистон Қуролли Кучлари Бош штаби бошлиғи Р. Дуйшенбиев ва МДҲ Мудофаа вазирлари кенгаши котиби Ю. Дашкин иштирок этди.

Президентимиз делегациялар раҳбарларини кутлар экан, МДҲ Мудофаа вазирлари кенгашининг мажлиси илк бор Тошкентда ўтказилаётгани мамлакатимизнинг Ҳамдўстлик фаолиятидаги иштироки янги босқичга кўтарилганидан далолат эканини мамнуният билан таъкидлади.

Утган йили Ўзбекистон Ҳамдўстлигининг иқтисодиёт, энергетика, фан ва инновациялар, жиноятчиликка қарши курашиш каби соҳаларда ҳамкорлик бўйича 10 дан ортиқ тармоқ органларига қўшилди.

Учрашувда МДҲ доирасида ҳарбий ва ҳарбий-техник ҳамкорликни, жумладан, идоралараро шериклиги янада кенгайтириш, икки ва кўп томонлама тадбирлар ўтказиш, профессионал ҳар-

бий кадрларни тайёрлаш масалалари кўриб чиқилди. Халқаро ва минтакавий сиёсат, хусусан, хавфсизлик ва барқарорликни таъминлашнинг долзарб масалалари юзасидан ҳам фикр алмашилди.

МДҲ мамлакатлари мудофаа идоралари раҳбарлари Ўзбекистон Республикаси Президентига самимий қабул учун миннатдорлик билдириб, ўз давлат раҳбарларининг саломи ва эзгу тилаklarини етказди. Ўзбекистон Қуролли Кучларини модернизация қилиш ва мудофаа қобилиятини мустаҳкамлаш борасида амалга оширилаётган кенг қўламли ислохотлар, шунингдек, мамлакатимизнинг минтақада хавфсизлик, барқарорлик ва изчил тараққиётни таъминлашга доир ташаббусларига юксак баҳо берилди.

Мудофаа идоралари ўртасида томонларни қизиқтираётган масалалар бўйича конструктив ва ўзаро манфаатли ҳамкорликни янада ривожлантиришга тайёрилик билдирилди.

Учрашув якунида давлатимиз раҳбари МДҲ Мудофаа вазирлари кенгаши мажлиси ишига муваффақиятлар тилади.

ЎЗА.

Ўзбекистон Республикаси Президентининг ҚАРОРИ

ЎЗБЕКИСТОН РЕСПУБЛИКАСИДА ХАЛҚ ТАБОБАТИ СОҲАСИНИ ТАРТИБГА СОЛИШ ЧОРА-ТАДБИРЛАРИ ТЎҒРИСИДА

Сўнгги йилларда соғлиқни сақлаш тизимида амалга оширилаётган кенг қўламли ислохотлар фўқароларнинг замонавий тиббий хизматларига, дори-дармонлар билан таъминланишига бўлган имкониятларини кенгайтирди, шунингдек, кўрсатилаётган тиббий ёрдам сифати ва самарадорлиги яхшиланишига олиб келди.

Ўқтир ва мураккаб касалликларни даволашда халқ табobati муҳим аҳамият касб этади, табибларнинг хизматларига аҳолининг турли қатламларида катта эҳтиёж сезилмоқда.

Шу билан бирга, ушбу соҳадаги вазиятнинг таҳлили шуни кўрсатмоқдаки, халқ табobati йўналишида кўрсатилаётган тиббий хизматларда назоратнинг етарли даражада эмаслиги, шунингдек, халқ табobatiнинг замонавий тиббиёт тизимида тугган мақоми ва роли хусусида қатор саволлар юзага келмоқда, хусусан:

биринчидан, халқ табobati хизматлари кўрсатишни тартибга солишнинг норматив-ҳуқуқий база яратилмаган, табибларнинг ҳуқуқ ва мажбуриятлари аниқланмаган, халқ табobati усуллари билан даволловчи шахслар томонидан кўрсатилаётган хизматларнинг сифати ва хавфсизлиги устидан давлат назорати амалга оширилмапти;

иккинчидан, халқ табobati усуллари билан тиббий ёрдам кўрсатувчиларнинг миқозлар соғлиғига зарар етказганлик учун масъулияти белгиланмаган, шунингдек, халқ табobati вақилларининг ҳуқуқларини асоссиз аралашувлардан ҳимоя қилиш кафолатланмаган;

учинчидан, касалликларнинг олдини олиш, ташхис қўйиш ва даволашда замонавий тиббиёт билан халқ табobati ўртасидаги ўзаро ҳамкорлик ва интеграцияни бошқаришнинг тартиби ва механизмлари мавжуд эмас;

тўртинчидан, халқ табobati вақиллари, уларнинг тажриба ва иш натижалари, улар кўрсатадиган хизмат турлари ҳақида ва бошқа маълумотлари ўз ичига олувчи халқ табobati бўйича тизимлаштирилган ягона маълумотлар базаси мавжуд эмас.

Халқ табobati фаолиятини тартибга солиш, тўпланган тажриба ва салоҳиятдан самарали фойдаланиш, ушбу соҳадаги норматив-ҳуқуқий базани шакллантириш ҳамда халқ табobatiнинг усуллари ва ютуқларидан самарали ва хавфсиз фойдаланиш учун шарт-шароит яратиш мақсадида:

1. Қуйидагилар белгилансин:

халқ табobati аҳолига тиббий ёрдам кўрсатишнинг қўшимча усули сифатида эътироф этилади;

(Давоми 2-бетда).



Кун иқтибоси:

Ўзбекистон —
Россиянинг стратегик
ҳамкори ва
иттифокчиси. Икки
томонлама
алоқаларимиз сиёсий,
иқтисодий, ҳарбий-
техникавий, маданий
ва гуманитар
соҳаларда
чуқурлашмоқда.
Келгуси ҳафтада Тошкентга
давлат ташрифим чоғида
Президент Шавкат
Миромонович Мирзиёев билан
кенг миқёсда музокаралар
олиб борамиз ва уларнинг
натижалари бўйича
ҳукуматлараро ва тижорий
ҳужжатлар имзоланади.



**Владимир
Путин,**
Россия
Федерацияси
Президенти

(Хорижий мамлакатлар
элчиларидан ишонч
ёрлиқларини қабул қилиб
олиш маросимидан).

Ўзбекистон ва Франция ўртасида имзоланган ҳужжатлар

**ислохотларни чуқурлаштириш, иқтисодий ва
инвестициявий фаолликни қўллаб-қувватлашга
хизмат қилади**

Жаҳондаги етакчи оммавий ахборот воситалари Ўзбекистон раҳбарининг Францияга амалга оширган расмий ташрифи, эришилган келишувларга алоҳида эътибор қаратиб, шу мавзуга оид ахборот ҳамда таҳлилий материалларини эълон қилмоқда.

Хитойнинг “Синьхуа” ахборот агентлиги эса келишувларнинг иқтисодий жи-



Канаданинг Квебек музотифида хабарларни француз тилида узатадиган “The Koz Post” интернет-газетасида ёзилишича, Ўзбекистон Президенти ташрифи давомида делегация француз иш-

ҳатларига эътибор қаратган. “Ўзбекистон ва Франция 5 миллиард еврога яқин бизнес битимлар имзолади” сарлавҳали материалда бир гуруҳ етакчи француз ишбилармон доиралари билан учрашувлардан сўнг қатор соҳалар бўйича битимлар тузилгани, пировардида бу ислохотларни чуқурлаштириш, иқтисодий ва инвестициявий фаолликни қўллаб-қувватлашга хизмат қилиши алоҳида қайд этиб ўтилган.

Европада инглиз тилида фаолият олиб борадиган энг йирик “The Local” янги-



ликлар тармоғида Шавкат Мирзиёевнинг Парижга ташрифи ЕИга қилинган илк рас-

мий ташриф эканлигига алоҳида урғу берилган. Беш миллиондан зиёд ўқувчиларига эга сайтда Франция фўқаролари Европа иттифоқида биринчи бўлиб Ўзбекистонга визасиз бориб-келиш имкониятига эга бўлишгани маълум қилинади. Яъни французлар шарқий йўналишдаги мамлакат бўйлаб 30 кун визасиз саёҳат қилишлари мумкин.

Тақдимот

Ўзбекистон ва Ҳиндистон ўртасидаги тарихи минг йилларга бориб тақаладиган алоқалар бугун янги босқичга кўтариляпти. Бунда Ўзбекистон Республикаси Президенти Шавкат Мирзиёевнинг шу йил 30 сентябрь — 1 октябрь кунлари ушбу мамлакатга амалга оширган давлат ташрифи муҳим аҳамият касб этмоқда.

Ҳиндистоннинг минтақавий сиёсати — Марказий Осиё билан алоқаларни мустаҳкамлаш

Мазкур ташриф доирасида “Минтақавий тинчлик ва барқарорликни таъминлашда Ўзбекистон — Ҳиндистон ҳамкорлиги: таҳдидлар ва истикболлар” номли китобнинг тақдими ўтказилган эди. Кеча Ўзбекистон Республикаси Президенти ҳузуридаги Давлат бошқаруви академиясида ҳам шундай тадбир ташкил қилинди. Унда сиёсатшунослар, экспертлар, кенг жамоатчилик вакиллари қатнашди.

Авалло, китобга Ўзбекистон Республикаси Президенти ҳузуридаги Стратегик ва минтақалараро тадқиқотлар институти ҳамда Ҳиндистон билрашган хизматлар институти ўртасидаги самарали ҳамкорлик махсули сифатида қараш ўринлидир. Унда икки мамлакат экспертлари Марказий Осиёда минтақавий хавфсизликка замонвий таҳдидлар ва хавфлар, давлатларнинг афғон муаммосини тартибга солишга нисбатан позициялари ҳамда ёндашувлари, минтақавий транспорт коммуникациялари ва савдо соҳасидаги ўзбек — ҳинд ҳамкорлиги истикболлари, ёшлар ўртасида радикаллашув ва экстремизмга қарши курашиш жабҳасидаги сиёсат масалаларига эътибор қаратишган.

Асарда дунёда, шу жумладан, Марказий Осиёда хавфсизлик муаммоларига алоҳида аҳамият берилган. Бугунги кунда йиллар давомида ҳал этилмаган қелишмовчиликлар, ҳудудий низолар, савдо-иқтисодий муносабатлар, транспорт ва коммуникация соҳаларида мамлакатлар ўртасидаги ҳамкорлик масалалари ўз ечимини топаётир. Бироқ бу йўлда диний экстремизм, терроризм, наркотрафик, қурол-қуроларнинг ноқонуний савдоси каби халақит бераётган омиллар мавжудлигидан ҳам кўз юмиб бўлмайд.

Ҳиндистонлик эксперт А. Мукержи мазкур китобдаги мақоласида айтиб ўтганидек, Ҳиндистоннинг Марказий Осиё давлатлари билан, айниқса, терроризм ва экстремизмга қарши курашиш бўйича ҳамкорлиги фақат икки томонлама алоқалар доира-

Умуман олганда, экспертларнинг баҳолашларига кўра, кейинги 28 йилда Ҳиндистон ва Ўзбекистон ўртасида ўзаро ишонч хисси, дўстлик, маффаатларни ҳурмат қилиш, ҳамкорлик алоқалари мустаҳкамланди. Икки мамлакат ҳам минтақавий тинчлик, барқарорлик ва юксалишни илгари суришда ишончли шериклар ҳисобланади. Бинобарин, Тошкент ва Нью-Дехли ҳам икки томонлама, ҳам халқаро ва минтақавий ташкилотлар доирасидаги ўзаро алоқаларни давом эттираведади.

Алишер НИЗОМОВ, Ўзбекистон Республикаси Президенти ҳузуридаги Стратегик ва минтақалараро тадқиқотлар институти марказ раҳбари ўринбосари.

Франция Республикаси Президенти Эммануэль Макроннинг таклифига биноан Президентимиз Шавкат Мирзиёевнинг 8-9 октябрь кунлари ушбу мамлакатга расмий ташрифи муҳим тарихий воқеа сифатида эътироф этилмоқда.

Мазкур ташрифнинг аҳамияти ҳақида икки мамлакат кенг жамоатчилиги вакиллари, йирик тадбиркорлар ўз фикр-мулоҳазаларини билдирапти.

Элёр ГАНИЕВ, Ўзбекистон Республикаси Президенти маслаҳатчиси ўринбосари:

— Президентимиз Шавкат Мирзиёевнинг Францияга амалга оширган расмий ташрифи доирасида Ўзбекистон — Франция бизнес форуми бўлиб ўтди. Унда Франциянинг 200 дан ортиқ етакчи компаниялари вакиллари иштирок этди. Улар орасида “Total”, “Total Eren”, “Orano”, “Airbus”, “Buig”, “Vence”, “Medef International” каби дунёга машҳур йирик компаниялар борлиги эътиборлидир. Урашувда француз ишбилармонлари мамлакатимиздаги ўзгаришлар, хусусан, бизнес вакиллари, инвесторларга кенг йўл очилаётгани, уларга шaroитлар яратиб берилаётгани, валюта бозорининг эркинлашгани бўйича ижобий фикрлар билдирди. Бизнесдаги шаффофликнинг таъминланаётгани боис улар мамлакатимизда ўз лойиҳаларини амалга оширишни исташмоқда. Француз ишбилармонлари республикада бизнес юритишдаги буюроқларнинг, қўғозбозликнинг йўқолиганини энг катта ижобий ўзгариш сифатида алоҳида қайд этмоқда.

ЎЗБЕКИСТОН — ФРАНЦИЯ: ТАРИХИЙ ТАШРИФ ҲАМКОРЛИКНИНГ ЯНГИ ДАВРИНИ БОШЛАБ БЕРДИ

Абдулазиз КОМИЛОВ, Ўзбекистон Республикаси ташқи ишлар вазири:

— Давлатимиз раҳбарининг Франция Президенти Эммануэль Макрон билан учрашувида жиддий ва долзарб масалалар муҳокама қилинди. Учрашувда минтақавий хавфсизликни таъминлашдаги қарашларимиз, позициямиз бир-бирига мос келиши эътироф этилди.

Минтақадаги хавфсизлик масалаларини муҳокама қилиш чоғида, албатта, Афғонистон муаммоси ҳам қўтарилди. Франция Президенти Ўзбекистоннинг бу борадаги сиёсатини қўллаб-қувватлашни билдирди.

Тадбиркорлар билан бўлган учрашув ҳам самарали кечди. Президентимиз французлик йирик ишбилармон доиралар вакиллари, тадбиркорларни қизиқтирган саволларга аниқ жавоб берди. Улар Ўзбекистонда бизнес юритишга катта қизиқиш билдирмоқда.

Борис ЭЛИЗАБЕТ, “GEIP” фармацевтика компаниясининг Шарқий Европа қўмитаси раҳбари:

— Компаниямиз юз йиллик тарих ва ўзининг қадимий аънаёналарига эга. Дунёнинг қўллаб-қувватлашга қўлланма юритамиз. Аммо шу кунга қадар Ўзбекистонлик ҳамкасбларимиз билан алоқаларни

ПАРЛАМЕНТДАГИ МУХБИРЛАРИМИЗ ХАБАР ҚИЛАДИ

Чиқиндиларни белгиланмаган жойларга ташламанг, акс ҳолда...

Депутатлар Маъмурий жавобгарлик тўғрисидаги кодекс 91-моддасининг Тошкент шаҳри ва Тошкент вилоятида ижро этилиши ҳолатини назорат-таҳлил фаолияти тартибида ўрганишди.



Олий Мажлис Қонунчилик палатаси Экоҳаракат депутатлари гуруҳи ҳамда Экология ва атроф муҳитни муҳофаза қилиш масалалари қўмитасининг кенгайтирилган йиғилишида мазкур ўрганиш аяунлари қизгин муҳокама этилди.

Маълумки, Тошкент шаҳри ва Тошкент вилоятидан чиқадиган чиқиндиларни қўйиш учун майдон 59 гектарни эгаллаган “Оҳангарон” чиқиндиҳонаси ташкил қилинган. Бу ерда тахминан 38,65 млн.м³

ворбарликка тортиш бўйича саъй-ҳаракатлар фаоллаштирилган. Мисол учун, ўтган йилнинг декабрь ва жорий йилнинг май ойи оралиғида Маъмурий жавобгарлик тўғрисидаги кодекснинг 91-моддаси бўйича чиқиндилар билан ишлашда қонун бузилишига йўл қўйган 517 фуқаро жавобгарликка тортилиб, уларга 93,1 миллион сўм жарима солинган.

Тошкент вилоятида 2017 йилда жами 1394 та маъмурий ҳуқуқбузарлик бўйича аниқланган қонунбузилиш ҳолатларининг 223 таси (91 нафари мансабдор шахс) чиқиндиларга боғлиқ бўлиб, бу умумий қонунбузилишларга нисбатан 40,8 фоизни ташкил этади. Шу билан бирга, ушбу қонунбузилишлар оқибатида 133 миллион сўмдан зиёд жарима солинган. Йил давомида ҳўжал юритувчи субъектлардан чиқиндиларни жойлаштирганлик учун жами 1,7 миллиард сўм компенсация тўловлари ундирилган.

Депутатлар мазкур соҳада ҳуқуқбузарликлар профилактикаси бўйича таъсирчан механизмларнинг етарли амалигини айтиб ўттиди. Уларнинг фикрича, ҳудудларда саноат,

Пойтахтимизда “Ўзбекистон Республикаси иқтисодиётини инновацион ривожлантириш: хорижий тажриба, тенденциялар ва истикболлар” мавзuida республика илмий-амалий анжумани ўтказилди.

Инновациясиз тараққиёт йўқ

Олий Мажлис Сенатининг Халқаро муносабатлар, ташқи иқтисодий алоқалар, хорижий инвестициялар ва туризм масалалари қўмитаси томонидан Тошкент давлат иқтисодиёт университети ҳузуридаги Ўзбекистон иқтисодиётини ривожлантиришнинг илмий асослари ва муаммолари илмий-тадқиқот маркази ҳамда БМТ Тараққиёт дастури билан ҳамкорликда ташкил этилган тадбирда сенаторлар, давлат ва нодавлат ташкилотлари, илмий-тадқиқот ҳамда таълим муассасалари, хорижий ва маҳаллий компаниялар, шунингдек, мамлакатимизда аккредитациядан ўтган дипломатик корпус вакиллари қатнашди.

Замонавий инновацион технологияларни илм-фан ва техника уювлари асосида иқтисодиёт тармоқларига, ижтимоий ҳамда бошқа соҳаларга жадал татбиқ этиш мамлакатимиз тараққиётининг муҳим шартидир. Президентимизнинг шу йил 21 сентябрдаги “2019 — 2021 йилларда Ўзбекистон Республикасини инновацион ривожлантириш стратегиясини тасдиқлаш тўғрисида”ги Фармони бу борадаги ишларни янги босқичга олиб чиқади.

Анжуманда Ўзбекистон Республикасини инновацион ривожлантириш стратегиясининг асосий йўналишлари ҳақида сўз юритилиб, бунда иқтисодиёт эҳтиёжларига қараб кадрлар тайёрлаш тизими сифатини ва мос-

лашувчанлигини оширишга жиддий эътибор қаратиш лозимлиги таъкидланди. Шунингдек, инновацияларни рағбатлантиришнинг институционал базаси ҳам муҳокама этилди.

— Ҳар қандай давлат ўзининг барқарор иқтисодиётини таъминлаши учун инновацион ғоялар ва технологияларни татбиқ этиши лозим, — дейди Исроил давлатининг Ўзбекистон Республикасидаги Факуллода ва мухтор элчиси Эдуард Шапира. — Ўзбекистонда бу борада катта қадамлар ташланди. Ўзаро ҳамкорликда қўллаб-қувватлаш ҳам жорий қилинмоқда. Юртингизда соҳани ривожлантириш учун барча шароит мавжуд, ҳуқуқий асослар ҳам етарли. Келгусида Ўзбекистон ва Исроил ишбилармон доира вакиллари иштирокида бизнес учрашув ҳамда форумлар ташкил этишни режалаштирганмиз.

Шунингдек, тадбирда инновацияларни қўллаб-қувватлаш, ушбу йўналишларга солиқ имтиёзларини тақдим этиш, илмий-амалий тадқиқотларнинг устувор йўналишлари ва мақсадларини танлашга оид тегишли қонунлар қабул қилиш, ҳудудлар масъулияти ҳамда маффаатдорлигини қучайтириш айнаи муддао экани қайд этилди.

Анжуман аяунлари бўйича тегишли тавсиялар қабул қилинди.

Раҳим ШЕРҚУЛОВ.

Муаммолар ўрганилди, таклифлар илгари сурилди

Навоий вилоятида халқ депутатлари Навбахор, Нурота, Хатирчи, Кармана туманлари Кенгашларининг сессиялари бўлиб ўтди. Уларда ҳудудлардаги ижтимоий-иқтисодий аҳолини ва аҳолини қийнаётган муаммоларни ўрганиш бўйича Республика ишчи гуруҳи томонидан жойларда бу борада амалга оширилган ишлар натижалари сарҳисоб қилинди.

МАҲАЛЛИЙ КЕНГАШЛАРДА

Аҳоли бандлиги, инвестициявий лойиҳаларни рўёбга чиқариш, қузиш мавсумига тайёргарлик ҳолати ва бошқа йўналишларда бажарилаётган саъй-ҳаракатлар юзасидан мутасаддиларнинг ахбороти эшитилди.

Тарихий меросимизни сақлаш ва ундан фойдаланишга оид масалалар ҳам атрофлича таҳлил қилинди. Маълумки, Навбахор туманидаги Сармишсой дарасида 7 минг йиллик тарихга эга 10 мингдан ортиқ қадимий суратлар мавжуд. Ушбу обида ҳудудий эҳтиётдан қизқишга сабаб бўлмоқда. Аммо ҳозир у бутунлай қаровсиз аҳволда.



сини яхшилашга алоҳида ургу берилди. Хусусан, Боғишамол маҳалласида 6208 нафар аҳоли истиқомат қилади. Ҳудудда болалар боғчаси ва мактаб мавжуд эмас. Сессияда маҳаллада таълим муассасаларини бунёд этиш таклифи билдирилиб, муаммони ҳал қилиш бўйича таклифлар илгари сурилди.

Ўтказилган сессияларда ҳудудларни ижтимоий-иқтисодий ривожлантиришда йўл қўйилган хато ва камчиликлар, айниқса, ичимлик суви таъминоти масаласи кескин танқид остига олинди. Хусусан, Давлат бюджетини ва маҳаллий бюджетлардан ушбу йўналишга ажратилаётган маблағлардан самарасиз фойдаланилаётгани, уларнинг сарфланиши устидан қатъий назорат ўрнатиш зарурлиги таъкидланди.

Муҳокамада кун тартибидagi масалалар юзасидан тегишли қарорлар қабул қилинди.

Сессияларда Ўзбекистон Республикаси Олий Мажлиси Сенати Раиси Н. Йўлдошев иштирок этди.

Темур ЭШБОЕВ, «Халқ сўзи» мухбири.

СЕМИНАР

Пойтахтимизда Ўзбекистон Республикаси Ҳисоб палатаси, Инвестициялар бўйича давлат қўмитаси ҳамда Сурхондарё вилояти ҳокимлиги томонидан ушбу ҳудуднинг инвестиция ва экспорт салоҳиятига бағишланган семинар ташкил этилди. Унда хорижий давлатларнинг мамлакатимиздаги элчихоналари, халқаро ташкилотлар ва молия муассасалари вакиллари қатнашди.

Президентимизнинг жорий йил 19 июлдаги “2018-2019 йилларда инвестициявий ва инфратузилмавий лойиҳаларни амалга оширишни жадаллаштиришга оид қўшимча чора-тадбирлар тўғрисида”ги қарорига мувофиқ, республикамизнинг бу борадаги жозибдорлигини юксалтириш, шу жумладан, хорижий инвестицияларни жалб қилган ҳолда, йирик лойиҳаларни рўёбга чиқариш борасида муайян ишлар олиб бориляпти.

— Бугунги кунда вилояти-

мизга инвестицияларни жалб қилиш мақсадида қўллаб-қувватлаш бўйича бир йилда уч мартагача ҳосил олиш мумкинлиги каби ҳудудимизнинг ўзига хос иқлим шароити ҳақида маълумотлар бердик.

Жорий йилнинг сентябрь ойига 15 лойиҳа доирасида 20,9 миллион АҚШ доллари атрофида инвестиция жалб қилинди. Йил охиригача эса яна 33 та лойиҳа рўёбга чиқарилиши кутиляпти. Бунинг натижасида ҳозиргача 2600 дан зиёд иш ўринлари яратилган бўлса, белгиланган лойиҳалар тўлиқ амалга оширилгач, 10 мингдан зиёд кишиларнинг бандлиги таъминланади.

Умуман, икки йил давомида 867 миллион АҚШ долларилик сармоя ўзлаштирилиши режалаштирилган. Қайд этиш жоизки, инвестицияларни қишлоқ ҳўжалиги махсулотларини қайта ишлаш, хом ашёни сифатли саклаш ва экспорт қилиш, туризм, қончилик, қурилиш материаллари тайёрлаш сингари тармоқларга йўналтиришга ҳаракат қилинапти.

Қайд этилганидек, ҳудудга инвестиция қиритиш бўйича Россия, Афғонистон, Ҳитой, Жанубий Корея, Австрия каби давлатларнинг, айниқса, қизиқиши юқори бўляпти.

— Албатта, қулай ишби-

лармонлик муҳити ва берилаётган имтиёзлар сармоядорларни янада рағбатлантиради, — дейди Сурхондарё вилояти боғхона бошқармаси ташқи савдо операциялари мониторинги ва боғхона статистикаси бўлими бошқаси Улқун Нуртошев. — Жорий йилнинг январь — сентябрь ойларида вилоятнинг ташқи савдо айланмаси 495 миллион АҚШ долларида зиёдни ташкил этиб, ўтган йилдагига нисбатан 2,8 баробар ошди. Бу айнаи чоғда тадбиркорлар, хорижий инвестиция иштирокидаги қорхоналарга боғхона борасида берилаётган имтиёзлар самараси ҳамдир.

Ҳудудда инвестиция ва экспорт борасидаги ишларни жадаллаштиришда барча лойиҳалар тармоқ жадаллари асосида қайта қўриб чиқилгани, вилоят ҳокимлиги веб-сайтида алоҳида илова қўрилишида саҳифа очилиб, маълумотлар жойлаштирилаётгани ҳам диққатга сазовор.

Дилшод УЛУҒМУРОВО, «Халқ сўзи» мухбири.

Ў.А.

Ўзбекистон Республикаси Инновацион ривожланиш вазирлиги

Давлат илмий-техник дастурлари доирасида бажарилиши

2019 — 2021 йилларга мўлжалланган амалий илмий-техник лойиҳалар ва инновацион ишланмалар танловини эълон қилади.

Инновацион ривожланиш вазирлиги қуйидаги фан йўналишлари бўйича долзарб муаммолар ечимига қаратилган Давлат илмий-техник дастурлари доирасида бажарилиши 2019 — 2021 йилларга мўлжалланган амалий тадқиқотлар ва инновацион ишланмалар лойиҳалари танловининг иккинчи босқичини эълон қилади:

1. Кишлоқ хўжалиги ва атроф-муҳит муҳофазаси;
2. Филология, психология ва педагогика;
3. Техника фанлари;
4. Ахборотлаштириш ва ахборот-коммуникация технологияларини ривожлантириш;
5. Фармакология ва фармацевтика;
6. Ер тўғрисидаги фанлар;
7. Кимё фанлари;
8. Тарих ва ижтимоий фанлар.

Танлов мавзулари, танловни ўтказиш тартиб ва талаблари билан вазирликнинг расмий веб-саҳифаси — www.mininnovation.uz да танишиш мумкин.

Амалий илмий-техник лойиҳалар ва инновацион ишланмалар ҳамда долзарб тематик мавзулар бўйича танловлар босқичма-босқич эълон қилиб борилади.

Амалий илмий-техник лойиҳалар ҳамда инновацион ишланмалар, долзарб тематик тадқиқотлар танлови топшириқлари Ўзбекистон Республикаси Президентининг Фармон ва қарорлари, Президентнинг республика ҳудудларига ташрифлари, маъруза ҳамда нутқларида белгиланган вазифалар, шунингдек, Ўзбекистон Республикаси Вазирлар Маҳкамасининг қарорлари ва йиғилиш баённомалари топшириқлари ҳамда давлат, хўжалик бошқаруви органлари ва маҳаллий ҳокимият органлари таклиф ҳамда тавсияларидан келиб чиқиб, республика иқтисодиёти тармоқ ва соҳаларини инновацион ривожлантиришнинг устувор йўналишлари ҳамда вазифалари асосида шакллантирилган.

Такдим этилган лойиҳалар ҳамда инновацион ишланмалар www.fan-portal.uz веб-саҳифа орқали электрон рўйхатдан ўтказилиши шарт. Электрон рўйхатдан ўтмаган амалий лойиҳалар ва инновацион ишланмалар танловга қабул қилинмайди.

Қоғоз шаклда такдим этилган лойиҳалар фақат илмий-тадқиқот институтларининг илмий ишлар ва инновациялар бўйича директор ўринбосарлари, олий таълим муассасаларининг илмий ишлар ҳамда инновациялар бўйича проректорлари томонидан тегишли вазирлик ва идоралар раҳбарлари имзолаган йўлланма хати асосида қабул қилинади.

Лойиҳа матни А4 форматдаги стандарт қоғоз варағининг икки томонида жойлашиши ҳамда қоғоз тарқасида 1,15 қатор ораллиғида ёзилиши лозим. Ҳар бир бет: юқоридан ва пастдан 2 см.; чапдан 3 см.; ўнгдан 1,5 см. ҳошияга эга; хатбоши 1,27 см. га тенг ва бир хилда бўлиши лозим.

Матнни компьютер воситасида босиб чиқаришда «Times New Roman» 12 ўлчамли шрифтда, «Microsoft Word» матн редакторидан фойдаланиш тавсия қилинади.

Бетлар титул варағидан бошлаб охириг варақчага изчил кетма-кетликда рақамланади. Бетнинг

тартиб рақами варақнинг пастки ўнг бурчагида 2 рақамдан бошлаб ёзилади. Титул варағига 1 рақами қўйилмайди.

Лойиҳа учун талаб қилинган ҳар бир ҳужжат ва бошқа таркибий қисмлар янги бетдан расмийлаштирилади.

Лойиҳа раҳбари ҳамда иштирокчиларининг мезонларда талаб қилинган илмий ишлар рўйхати (охирги 3 йил давомидаги нашрлар қуйидаги хронологик тартибда келтирилиб, изчил кетма-кетликда рақамланади: монография; патент; илмий мақола; илмий тўпламлар ва бошқа нашр ишлари) 3.4-шаклга қатъий риоя қилинган ҳолда расмийлаштирилади ҳамда муаллиф, илмий котиб томонидан имзоланади ва ташкилот муҳри билан тасдиқланади.

Электрон рўйхатдан ўтказилган амалий лойиҳалар ва инновацион ишланмалар 2018 йилнинг 1 ноябрга қадар, шанба ва якшанба кунларидан ташқари ҳар кун соат 10.00 дан 18.00 гача Инновацион ривожланиш вазирлиги биносидида қабул қилинади.

Такдим этилган лойиҳалар танлов талабларига қатъий риоя қилинганлиги, лойиҳа материалларининг ишончлилиги ва ҳаққонийлиги, кўчирмачиликка (плагиат) йўл қўйилмаганлиги бўйича дастлабки техник экспертизадан ўтказилади.

Ўзбекистон Республикаси Президентининг 2018 йил 18 июлдаги ПҚ-3855-сонли қарорига мувофиқ Давлат илмий-техника дастурлари доирасида бажарилган амалий ва инновацион тадқиқотлар натижалари улар яқунланганидан сўнг тўлиқ тижоратлаштирилиши шарт.

Такдим этиладиган лойиҳаларга тегишли вазирликлардан лойиҳа мавзуси, унинг бажарилиши ҳамда ундан кутилаётган натижалар Ўзбекистон Республикаси иқтисодиётнинг тармоқ ва соҳаларини ривожлантириш учун зарурлиги таъкидланган ҳамда ташкилот Илмий (илмий-техник) кенгашлари томонидан тавсия этилганлиги ҳақидаги қароридан кўчирма илова қилиниши лозим.

Танловнинг ҳолислиги, адолатлилиги ва шаффофлигини таъминлаш мақсадида лойиҳаларни қабул қилиш, экспертизасини амалга ошириш, махсус белгиланган ҳоналарда видеокузатув воситалари (камералар) орқали ёзиб олинади.

Такдим этилган лойиҳалардаги маълумотларнинг ҳаққонийлиги ва ишончлилиги ҳамда танлов қолиблари томонидан илмий-техник лойиҳаларнинг натижадорлиги, тижоратлаштириш даражаси, танлов дастурлари вазифаларида белгиланган, кутилаётган натижаларни тўла ва ўз вақтида сифатли бажарилишига илмий лойиҳа ҳамда уни бажарувчи ташкилот раҳбарлари ва тегишли юқори ташкилотлар масъул ходимлари жавобгар ҳисобланадилар.

Белгиланган муддатда фан йўналишлари бўйича электрон ва қоғоз шаклларда такдим этилган лойиҳалар танловга қабул қилинмайди. Танловга битта лойиҳа келиб тушган тақдирда танлов ўтказилмайди.

Маълумот учун телефонлар: Ахборот-коммуникация технологиялари бўлими (онлайн рўйхатдан ўтиш бўйича) — 71 256-84-87.
Инфо-фан (қўшимча маълумот учун) — 71 203-82-82.

MiningWorld Uzbekistan

13-халқаро кўргазма
**ТОҒ-КОН УСКУНАЛАРИ,
РУДА ВА МИНЕРАЛЛАРНИ ҚАЗИБ ЧИҚАРИШ
ҲАМДА БОЙИТИШ**

**2018 йил
14 — 16 ноябрь**
Тошкент ш., «Ўзэкспоарказ», 1-павильон

11-Марказий Осиё халқаро кўргазмаси
**МЕТАЛЛУРГИЯ. МАШИНАСОЗЛИК.
ДАСТҒОҲСОЗЛИК**

**MACHINERY
CENTRAL ASIA**

Итеса **ONLINE**
РҲҲАТДАН ҲТИНГ

Дастлабки икки кун
фақат тармоқ мутахассислари
таклиф этилади!

Guvohnoma № 3583

2018 йил 14 — 16 ноябрь
Тошкент ш., «Ўзэкспоарказ»,
Атриум ва Конгресс холл заллари.

securika
Central Asia

10-халқаро
юбилей кўргазмаси
**ҚҲРИҚЛАШ, ХАВФСИЗЛИК
ВА ЁНҒИНГА ҚАРШИ
ҲИМОЯ**
www.securika.uz

Итеса **ONLINE**
РҲҲАТДАН ҲТИНГ

Дастлабки икки кун
фақат тармоқ мутахассислари
таклиф этилади!

Guvohnoma № 3583

Ташкилотлар раҳбарлари диққатига!

ЎЗБЕКИСТОН РЕСПУБЛИКАСИ ИИВ МОДДИЙ-ТЕХНИКА ТАЪМИНОТИ БОШҚАРМАСИ

**ҚҲИДАГИ МАҲСУЛОТЛАРНИ ТАЙЁРЛАШ ВА ЕТҚАЗИБ БЕРИШ БҲЙИЧА
ТАНЛОВ САВДОЛАРИ ҲТҚАЗИЛИШНИ МАЪЛУМ ҚИЛАДИ:**

«Соя» гулли камуфляж қилинган ёзги кепилар;
Денгиз тўлкини рангида кундалик ёзги кепилар;
Денгиз тўлкини рангида кундалик киши кепилар;
Денгиз тўлкини рангида байрамона фуражклар.

Манзил: Ўзбекистон Республикаси, 100070, Тошкент шаҳри, Шота Руставели кўчаси, 1-берк кўча, 1-уй.
Талабгорлардан танлов савдоларида қатнашиш бўйича тижорат таклифлари эълон чоп этилган санадан
бошлаб 7 кун ичида қабул қилинади.

Қўшимча маълумотлар учун ҳар кун соат 9.00 дан 17.00 гача қуйидаги
телефон рақамлари орқали мурожаат қилишингиз мумкин:
71 255-75-12, 71 255-81-45, 71 231-31-47. Факс: 71 281-43-72.

Халқ сўзи
Народное слово

Бош муҳаррир ҲТқир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан
рўйхатга олинган. Нашр индекси — 229. Буюртма Г — 1045. 73 186 нусхада босилди,
ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

ГАЗЕТАМИЗ ҲАҚИДАГИ МАЪЛУМОТЛАРНИ ҚҲСАБ ОЛИШ ҲҲҲН ОҚ-КОДИНИ ТЕЛЕФОНИНГИЗ ОРҚАЛИ СКАНЕР ҚИЛИНГ.

ТЕЛЕФОНЛАР:
Девонхона 71 233-52-55;
Котибият 71 233-10-28; Эълонлар 71 232-11-15.

Тахриратта келган қўлазмалар тақрир қилинмайди ва
муаллифга қайтарилмайди.

Газетанинг сўказиб берилиши учун обунани
расмийлаштирган ташкилот жавобгар.

Газета тахрират марказида термиди ҳамда оператор
А. Исмоилов томонидан саҳифаланади.

Газетанинг полиграфик жиҳатдан сифатли чоп этилишига
«Шарқ» нашриёт-матбаа акциядорлик компанияси масъул.
Босмахона телефони: 71 233-11-07.

• **МАНЗИЛИМИЗ:**
100000,
Тошкент шаҳри,
Матбуотчилар кўчаси, 32-уй.
Навбатчи муҳаррир — Ф. Абилов.
Навбатчи — Д. Каримов.
Мусаҳҳих — С. Исмолов.

«Шарқ» нашриёт-матбаа акциядорлик компанияси босмахонаси. Корхона манзили:
«Буюк Турон» кўчаси, 41. ҲЗА якуни — 01.00 Топширилди — 01.30 1 2 3 4 5 6